

Tillaga að breyttu Aðalskipulagi Fljótsdalshéraðs 2008 – 2028

Álfaás - gistiþjónusta í landi Ketilsstaða

Tillaga til auglýsingar

17. nóvember 2021



Múlabing

aia

A0597-021-U08

1. Aðdragandi og markmið

Landeigendur Ketilsstaða á Fljótsdalshéraði hafa áhuga á að koma upp gistaðstöðu fyrir ferðamenn, undir nafninu Álfaás, á landspildu sem liggur milli Höfðaár og Stórvíkur á Völlum í Fljótsdalshéraði. Sveitarfélagið hefur því í samvinnu við landeigendur unnið tillögu að breyttu aðalskipulagi fyrir svæðið.

Hliðstæð tillaga að breytingu á aðalskipulagi var kynnt árið 2017 en því ferli lauk ekki með staðfestingu breytingarinnar. Minniháttar breytingar hafa orðið á uppbyggingaráformum frá því að fyrri tillaga var kynnt.

2. Staðhættir og umhverfi



Ketilsstaðir eru um 5,5 km sunnan við Egilsstaði á svæði sem skilgreint er sem landbúnaðarsvæði í Aðalskipulagi Fljótsdalshéraðs 2008-2028. Landareignin er um 12,8 ha að stærð og afmarkast að norðan af Höfðaá, að sunnan af landamerkjum Stórvíkur og girðingu sunnan aðkomuvegar að Stórvík og að vestan af Lagarfljóti.


Sunnan megin við fyrirhugað verslunar- og þjónustusvæði er annað verslunar- og þjónustusvæði, Stórvík. Þar eru í dag sex sumarbústaðir til útleigu fyrir ferðafólk. Nokkuð þéttur trjálundur skilur að sumarbústaðina við Stórvík og fyrirhugað uppbyggingarsvæði, og meðfram strandlinu á vesturhluta landspildunnar eru klappir og grjót.

við norður- og austurmörk skipulagssvæðisins er lögþýlið Öngulsá eystri og skammt frá sumarbústaðurinn Hrafnás.

Landspildan er á svæði sem í gildandi aðalskipulagi er skilgreint sem landbúnaðarland. Í fyrra skipulagsferli var sótt um leyfi til ráðherra fyrir breyttri landnotkun í samræmi við 6. gr í II. kafla í jarðalaga nr. 81/2004 og skv. svari Atvinnuvega- og nýsköpunarráðuneytis, dags. 29.12.2016, er ekki gerð athugasemd við tillögu að breyttri landnotkun.

3. Tillaga að breytingu á aðalskipulagi

Tillaga að breyttu aðalskipulagi felst í því að breyta landnotkun svæðisins úr landbúnaðarsvæði í verslunar- og þjónustusvæði. Breytingin nær til sveitarfélagsuppráttar B með Aðalskipulagi Fljótsdalshéraðs 2008-2028 og greinargerðar aðalskipulagsins.




Myndin sýnir með rauðum ramma hvar breyting verður á sveitarfélagsupprætti B. Sjá nánar myndir á næstu síðu.

Á sveitarfélagsupprátt B bætist við gult punkttákn fyrir verslunar- og þjónustusvæði með auðkenni V34. Í greinargerð bætist við eftirfarandi texti í kafla 9.5 um verslunar- og þjónustusvæði:

V34 Álfaás

Á svæðinu er heimilt að starfrækja gistiþjónustu í flokki I-IV með gistirúm fyrir allt að 130 gesti ásamt veitingarekstri og tengdri þjónustu. Gert er ráð fyrir hótelbyggingu á einni hæð og allt að 8 íbúðum fyrir starfsfólk eða til útleigu í stakstæðum einnar hæðar húsum eða einu íbúðarhúsi á einni til tveimur hæðum. Mannvirki myndi samstæða þyrringu skv. nánari ákvæðum í deiliskipulagi.



Sveitarfélagsuppráttur B í mkv. 1:30.000, fyrir breytingu vinstra megin og eftir breytingu hægra megin. Svæði V34 er nýtt verslunar- og þjónustusvæði í landi Ketilsstaða skv. tillögunni.


4. Uppbyggingaráform

Tillaga að deiliskipulagi liggur fyrir sem Strympa skipulagsráðgjöf hefur unnið fyrir landeigendur. Samkvæmt henni verða reistar tvær einnar hæðar byggingar með gistiryðum og tengdri þjónustustarfsemi og veitingarekstri, stakstætt íbúðarhús á einni til tveimur hæðum ásamt stakstæðum bústöðum á einni hæð til íbúðar eða útleigu. Hámarksfjöldi gesta í gistiryðum er 130. Mannvirki, þ.e. hús, bílastæði og aðlægir vegir þekja um 1,6 ha og byggingarmagn verður allt að 2.400 m².

Gert er ráð fyrir sameiginlegu bílastæði fyrir byggingar fyrir gistiþjónustu og tengda starfsemi. Vegur sem tengist Hringvegi (1) liggur að orlofshússasvæðinu í Stóruvík. Gert er ráð fyrir að vegir um skipulagssvæðið tengist þessum veki, skammt austan við landamerki Stóruvíkur.

Fráveita verður útfærð innan svæðis skv. nánari ákvörðun í deiliskipulagi.

Myndin sýnir hluta af uppdrætti í deiliskipulagstillögu.



5. Veitur

Heitt og kalt vatn kemur frá HEF Veitum og rafmagn frá RARIK. Samkvæmt bókun í fundargerð HEF Veitum frá 14.12.2016 kemur fram að stjórn HEF Veitna telji mögulegt að afhenda heitt vatn til húshitunar og neysluvatn með fyrirvara um magn og að gerður verði samningur með magntöllum og tímasetningum áður en haldið er af stað. Lagnir Vallaveitu HEF liggja að Stóruvík, þvert yfir skipulagssvæðið frá austri til vesturs.

6. Tengsl við aðrar áætlanir

Í landsskipulagsstefnu er fjallað um skipulag í dreifbýli og þar segir (grein 2.):

Skipulag í dreifbýli gefi kost á fjölbreyttri nýtingu lands, svo sem til ræktunar, ferðaþjónustu og útvistar, í sátt við náttúru og landslag.

Ennfremur segir um ferðaþjónustu (grein 2.4):

Skipulag landnotkunar stuðli að eflingu ferðaþjónustu í dreifbýli um leið og gætt verði að því að varðveita þau gæði sem eru undirstaða ferðaþjónustu.

Til er deiliskipulag frá 1990 fyrir Stóruvík, sunnan Ketilsstaða en að öðru leyti eru engin deliskipulög í gildi í nálægð við umrætt uppbyggingarsvæði.

Engin verndarákvæði eiga við um svæðið, hvorki vegna náttúru- né menningarminja. Svæðið hefur verið beitarfriðað í meira en 20 ár og er gróðurfar þess í samræmi við það.


Ekki verður séð að fyrirhuguð breyting á landnotkun stangist á við aðrar áætlanir né heldur er búist við að breytingin rekist á hagsmuni nágranna eða á svæðisvísu.

Í greinargerð með Aðalskipulagi Fljótsdalshéraðs 2008-2028 stendur eftirfarandi í kafla 3, Stefna Fljótsdalshéraðs:

Árið 2028 er fjölbreytt úrvalsþjónusta og framsækið atvinnulíf eitt mikilvægasta einkenni Fljótsdalshéraðs. Ferðaþjónusta er ein lykilatvinnugreina í sveitarfélagini. Starfrækt er öflug afþreyingarþjónusta þar sem meðal annars þjóðgarður og hálandi svæðisins, Hallormsstaðaskógur, Lagarfljótið og menningartengd starfsemi gegna lykilhlutverki.

7. Ferðaþjónusta

Gistiþjónusta er að mestu leyti á Egilsstöðum og má því færa rök fyrir því að jákvætt sé að bjóða upp á fjölbreyttari valmöguleika hvað varðar tegund gistingar og staðsetningu í sveitarfélagini.



Skjáskot úr kortasjá Fljótsdalshéraðs sem sýnir gistiþjónustu, rauður hringur sýnir hvar Álfaás er.

Sveitarfélagið Múlaþing heldur ekki saman gögnum um fjölda gistirúma innan sveitarfélagsins en á vef Hagstofunnar kemur fram að á Austurlandi öllu var 431 gistirúm í hótelum og 539 í gistiheimilum sem starfa allt árið. Að auki voru 138 gistirúm á farfuglaheimilum og 46 í heimagistingu. Þessar tölur eiga við um desember 2020.

8. Umhverfismat

Fyrirhuguð uppbygging fellur ekki undir lög nr. 111/2021 um mat á umhverfisáhrifum framkvæmda og áætlana. Gerð er grein fyrir áhrifum á umhverfið í samræmi við 12. gr. skipulagslag nr. 123/2010 og gr. 4.4. í skipulagsreglugerð nr. 90/2013.

Fyrirhugaðar byggingar eru í talsverðri fjarlægð frá þjóðveginum og hafa því lítil sjónræn áhrif á umhverfið. Ekki verður gerð ný tenging frá þjóðvegi inn á fyrirhugað uppbyggingarsvæði heldur verður núverandi tenging nýtt. Frístundabyggð með bústaði í útleigu er nú þegar í næsta nágrenni.

Tekið er á áhrifum umferðar og bílastæða á nágranna í deiliskipulagi.

Í umsögn ráðunautar hjá Ráðgjafarmiðstöð landbúnaðarins, dags. 10/3/2017, sem aflað var vegna umsóknar um lausn úr landbúnaðarnotum segir svo m.a.:

Líkt og sjá má á mynd 1 er landið ekki í notkun eins og er en það telst að mestu algróið. Það hefur verið friðað fyrir beit vegna fjarlægðar frá Ketilsstöðum og vegna þess að annar aðili hefur keypt landsvæði (Stóruvík - skilgreind sem frístundabyggð) innan við umrætt svæði. Notkun er því lítil sem engin tengd landbúnaði og ekki fyrirhuguð af ábúanda Ketilsstaða.

Svæðið býður uppá landbúnaðarnotkun, það er mest valllendi og klettar. Hægt væri að byggja upp meðal frjósaman jarðveg, áður fyrr var þarna t.d. kartöfluræktun. Mögulega mætti girða svæðið af, rækta og nýta til slægna og beitar eða til skógræktar svo dæmi sé tekið.

Vegna staðsetningar á umræddu landssvæði, og að nærliggjandi svæði eru skilgreind sem frístundabyggð og útvistarsvæði, má sjá fyrir sér að nýtingin fyrir umrætt landssvæði væri betur komið til annarra nota en hefðbundins landbúnaðar.

Áhrif breytrrar landnotkunar þessara landspildu á nálægar bújarðir er metin nær engin, nema þá hugsanlega til hins betra. Þar sem nú þegar eru orlofsbústaðir á landsvæði innan við umrætt landbúnaðarsvæði og skilgreint útvistarsvæði utan við Höfðaá, væri möguleiki á auknum umsvifum ferðaþjónustu þar sem náttúran getur verið í forgrunni.

9. Málsmeðferð

Málsmeðferð er í samræmi við ákvæði skipulagsreglugerðar nr. 90/2013 og skipulagslagar nr. 123/2010. Umsagnaraðilar eru eftirfarandi:

- Skipulagsstofnun
- Vegagerðin
- Rarik
- Heilbrigðiseftirlit Austurlands
- Minjastofnun Íslands
- HEF Veitur
- Umhverfisstofnun
- Ylur ehf, eigandi sumarbústaða við Stóruvík
- Ferðamálastofa
- Ferðamálasamtök Austurlands

Tillaga þessi var kynnt almenningi og umsagnaraðilum í september 2021, ásamt lýsingu. Umsagnir bárust frá Heilbrigðiseftirliti Austurlands, Minjastofnun Íslands, Ráðgjafarmiðstöð landbúnaðarins, Umhverfisstofnun og Vegagerðinni. Leiðréttung á staðháttalýsingu kom frá Vilhjálmi Emil Vilhjálmssyni, sem tekið var tillit til. Umsögn Ráðgjafarmiðstöðvar landbúnaðarins var samhljóða fyrri álitsgerð sem vitnað er til í kaflanum um umhverfismat hér á undan. Aðrar umsagnir gáfu ekki tilefni til breytinga á tillöggunni.

Tillagan var samþykkt til auglýsingar í umhverfis- og framkvæmdaráði þann 6/10/2021 og í sveitarstjórn þann 13/10/2021. Tillagan er auglýst í dagblaði, í Dagskránni á Austurlandi, Lögbirtingablaðinu og á vef sveitarfélagsins. Gefinn verður sex vikna frestur til að koma á framfæri skriflegum athugasemdum, sjá nánar dagsetningar í auglýsingum.

Að auglýsingatíma liðnum, í janúar 2022, verður tillagan afgreidd í sveitarstjórn, með breytingum sem athugasemdir kunna að gefa tilefni til. Að lokinni umræðu í sveitarstjórn verður tillaga að breyttu aðalskipulagi send Skipulagsstofnun til yfirferðar og staðfestingar. Samþykkt aðalskipulagsbreyting mun taka gildi með birtingu auglýsingar í B-deild Stjórnartíðinda.